



O'ZBEKISTON OVOZI

ЎЗБЕКISTON OVOZI

Shu aziz Vatan — barchamizniki

«Кейинги 10 йил давомида ўрта махсус, касб-хунар ва олий таълим тизимида 100 дан зиёд йўналиш, 265 та мутахассислик ва 700 та касб бўйича профессионал таълим олган ва замонавий фикрлаш салоҳиятига эга бўлган бир миллион нафардан ортиқ янги авлод мутахассислари тайёрланди».

• 2008-йил • 21-феврал • Payshanba • 23 (27.828) • www.uzbekistonovozi.uz • 1918-йил 21-iyundan chiqq boshlagan

Муносабат

Саодат — ўзлигимиздан

Президентимиз Вазирлар Маҳкамасининг 2007 йил якуни ва 2008 йилги вази-ларга бағишланган мажлисидаги маърузасида «жамиятда маънавий бўшлиққа йўл қўйиб бўлмаслигини» алоҳида таъкидлади. Зеро, маънавият — демократик ва эркин фуқаролик жамиятининг гоёвий асосини ташкил қилади. У инсоннинг ақлу шури, онгини бунёдкор гоёлар, улғувор интилишлар билан боғлиқдир. Жамият ҳаётида фаол иштирок этишга даъват қилади. Шу сабабли юртимизда маънавий-маърифий ишлар давлат сиёсати даражасига кўтарилган.

Маънавий-маърифий тарғибот ишлари суиестем бўлади. Маънавий бўшлиқ, бу — одамлар онгида эҳтиёж юксак даражада шаклланмаслиги ҳамда бунёдкор гоёлар ўрнини зарарли ва иллатли тамойилларнинг эгаллаб олишидир. Маънавий бўшлиқнинг бир неча зарарли оқибатлари мавжуд: аввало, маънавий бўшлиқ мавжуд жойда турли зарарли гоёлар, қарашлар ва хатти-ҳаракатлар пайдо бўлади, қолаверса, одамларнинг ахлоқи ва хатти-ҳаракатида иллат уна бошлайди. Бундан ташқари, мафкуравий ланж-лик томир отади ва алаокибат, жамиятдаги ташаббускорлик, иштиёқлилик ва фаоллик сўнади.

Маънавий бўшлиқ турли кўринишларда намоён бўлади. Мисол учун, у маънавий ва ахлоқий тубанлик иллатларини қамраб олган «оммавий маданият» кўринишида мавжуд. «Оммавий маданият» — бу миллий маданиятга қарши ўлароқ, қандай бўлмасин яшаб қол, деган мазмундаги «гоёга» асосланади. Унга кўра, эркинликни суиестемол қилиш, оила институтининг миллий анъаналари, қадриятларини топташ,

эгоцентризм, ота-онага хурматсизлик, зинокорликни маданият деб билиш одатий ҳол ҳисобланади. XX асрнинг 60-80-йилларида (йигирма йил давомида) ғарб мамлакатларида «шахс эркинлиги» шiori остида оммавий маданият унсурлари тарғиб қилинган. Асри-мизнинг бошларига келиб бу ҳолат натижалари ғарб олим-лари томонидан таҳлил қилиб кўрилди ва «оммавий маданият ғарб жамиятини маъна-вий инқирозга олиб келди», деган хулосага келинди. Ҳақиқатни айтган олимлардан бири Патрик Бьюкенен «Ғарбининг ҳалокати» асари-да (2004 йил) қуйидагиларни ёзади: «Дунёда Ватанни йўқотишдан кўра даҳшатли фожеа йўқ, деган эди Еври-пид. Оқибати ўйланмаган ма-данний инқилоб бизнинг жа-миятимизни бахтсизликка олиб келди... Оммавий ма-даният оналик бахтидан кўра, эркин муҳаббатни қадрият, деб билди. 1950 йилларда никоҳнинг бузилиши шов-шувга сабаб бўларди, бугун эса унга оддий бир ҳолдек қаралмоқда... Индивидуализм натижасида ҳар бир киши ўз оиласида ўзини ниҳоятда ахлоқли тутар экан. Бу ҳақиқат-ни марҳум шoir Мухаммад Юсуф «Биз оилада ўзлиги-мизга қайтамиз» деб ифода-лаган эди. Демак, жамияти-

мизда маънавий юксалиш ва мафкуравий собитликни таъминлашнинг асоси бор. Унга кўра, ўзбек оиласидаги маънавий-ахлоқий муҳитни жамият даражасига кўтари-шимиз керак. Одамларимиз оилада ўзини қандай тутса-лар, жамиятда ҳам шундай хатти-ҳаракатлар қилишса, миллий маданиятимиз ҳар қандай бўзғунчи гоёлардан ҳимояланади.

Маънавий бўшлиққа йўл қўймаслиқнинг ягона йўли — одамлар онгида мафкуравий иммунитетни ҳосил қилиш, бебаҳо маънавий қадриятла-римизни тарғиб-ташвиқ қилишнинг самарали шакл, усул ва воситаларидан фой-даланишдир. Мафкуравий иммунитет бунёдкор фикр-лар, миллий қадриятлар ва юксак қарашлар асосида таркиб топтиради. Биз-нинг жамиятимизда бу гоё мавжуд. Унга кўра, миллий гоё одамларда Виждон, Иймон-эътиқод, Эзгулик, Адолат, Ватанпарварлик ва Ижтимоий фаоллик фазилат-ларини шакллантиради. Бун-дай фазилатларга эга одам-нинг онгида бахтли яшашга интилиш, худбинликни тарк этиш, инсоний ахлоқ меъёр-ларидан чиқмаслик қатъий шаклланган бўлади.

Инсонни ўзини қадрлашга, ўзгаларни ардоқлашга ўрга-тиш мафкуравий иммунитет-ни ҳосил қилишдаги энг му-ҳим ишларимиздан биридир. Аждодларимиз яхши ном қолдириш учун яшаганлар ва шу сабабли улар бугунги кун-да ҳам маънавий барҳаёт бўлиб қолмоқда. Бундай мил-лий таърихбаларни ўзлашти-ришимиз, кейинги авлодлар-га овоз ва обод Ватан қо-ладиришимиз учун маънавий ҳушёр, сезгир ва огоҳ бўли-шимиз керак.

Обил САФАРОВ,
Миллий гоё ва мафкура
илмий-амалий маркази
масъул ходими.

Коммунал хўжалиги:

Бугунги кун ҳолати ва мавжуд муаммолар

...кўрсатилмаган ва сифатсиз хиз-матлар учун 2005 йилда 117,0 милли-он сўм, 2007 йилда эса 131,1 миллион сўмлик ҳисобланган пул маблаглари ис-теъмошчилар фойда-сига қайта ҳисоб-ки-тоб қилиб берилди.

Мультфильм тақиқланади

Хитой ҳукумати телевидение орқали хориж мультфильм-ларини намойиш этишни таъқиқлади, деб хабар беради Lenta.ru. Давлат бошқар-маси радио хизма-ти, кинематография ва телевидениега берган кўрсатмага биноан 1 майдан бошлаб 17:00 дан 21:00 гача ҳар кун и хориж мультфильм-ларини намойиш этиш тақиқланади.

«Имтиҳон»дан ўтсам, Олимпиадада қатнашаман

— дейди юнон-рум кураши бўйича халқаро тоифадаги ҳакам Тоҳир Гуломов

Илк мартаба 1994 йилнинг мартда Миср-да ўтказилган Африка чемпионатида ҳакамлик қилганман. Ана шу му-собақада халқаро тои-фадаги ҳакам унвонини олган эдим. Мана сал-кам ўн беш йилдирки, қитъа ва жаҳон че-мпонатлари, нуфузли халқаро турнирларда қатнашиб келаяпман.

Бу ҳақда Вазирлар Маҳкамаси мажлисида айтилган эди

Коллеж битирувчиси

у бугун нималар билан банд? Ҳаётда ўзига, касбига муносиб ўрин топа олаётими?



Жиззах вилоятида замон талабларига жа-воб берадиган 52 та академик лицей ва касб-хунар коллежи фаолият кўрсатмоқда. Энг янги ўқув лаборатория жиҳозлари билан таъмин-ланган ушбу таълим даргоҳларида 40 миң нафардан зиёд йигит-қиз ўнаб йўналишлар бўйича таълим олаётти касб-хунар эгаллаш-пти. Уларнинг қобилиятларини рўбга чи-қаришлари, жамиятга муносиб ўрин эгалла-шлари учун бугун вилоятда аниқ мутахассис-ликка эга бўлиш имконини берувчи тизим, шунга мос шарт-шароит яратилмоқда.

Табиийки, касб-хунар коллежларини ҳар йили миңглаб ўқувчилар битириб чиқади. Ўнаб касблар бўйича таълим олган, замо-नावий фикрловчи янги авлод мутахассис-лари катта ҳаёт оstonасига қадам қўяяпти. Энг муҳими ёшлар касбли-хунарли бўлиш-моқда. Лекин Юртбошимиз Вазирлар Маҳ-камаси мажлисидаги маърузасида бу соҳа-да юзага келган долзарб бир масала ҳақида тўхталдилар: «...лицей ва коллежлар, олий ўқув юртлирини битириб чиқаёт-ган йигит-қизларимиз жамиятда ўзига, ўз касбига муносиб ўрин топаётими? Ана шу масалалар бўйича ҳақиқий ахволни атрофлича ўрганишимиз, ҳозирги вақтда мутахассислар тайёр-ланаётган ҳар қайси ихтисослик йўна-лиши реал ҳаёт талабларига қай дара-

жада жавоб бериши, унга нафақат бугунги, балки яқин истиқболга қандай эҳтиёж борлигини ҳар томонлама чуқур аниқлашимиз лозим». Ҳўш, Жиззах вилоятида коллеж битирув-чиларининг кейинги фаолияти қандай кеча-япти? Улар нималар билан банд? Қанчаси олий ўқув юртлирида ўқини давом этти-раяпти-ю, қанчаси танлаган мутахассисли-ги бўйича ишга жойлашди? Шу каби савол-ларга жавоб топиш ниятида Мирзачўл ту-мандаги агроиктисодиёт касб-хунар коллежига йўл олдик.

2-бет

Ёшлар билан мулоқот

Яқинда Наманган вилояти ҳокими, Олий Мажлис Сенати аъзоси Икромхон Нажмидди-новнинг ёшлар билан ўтказган мулоқоти гоёт самимий, қиз-гин савол-жавоб, долзарб мав-зуларга доир мулоҳазалар ру-ҳида кечди. Даставвал ҳоким мамлакатимизнинг 16 йиллик мустақил тараққиёт йўли, бу жараёнда вилоятда олиб бо-

рилган ижтимоий-иқтисодий ис-лоҳотлар, ўзгаришлар асосида вилоят аҳлининг интилиш ва ре-жалари хусусида сўзлади. Ҳаётнинг ҳеч бир қирраси йўқки, у ёшларга дахлсиз бўлса. Мамлакатимиздаги иқтисодий ис-лоҳотлар халқаро ҳамжамият то-монидан тан олинаётгани, истиқ-лолнинг беш тамойили ва бос-қичма-босқич амалга оширилаёт-

гани, таълим тизимидаги ютуқлар мулоқот дастуридан жой олди. Ёш оилаларни моддий ва маъ-навий қўллаб-қувватлашга ажра-тилатган имтиёзли кредитлардан фойдаланиш, интернет орқали олинаётган ахборотларга тафаккур билан ёндашиш, диний билимлар-ни ўрганишда мантик ва мазмун-дан чекинмаслик, глобаллашув жа-раёнида мавжуд маълумотларни таҳлил қила билиш, тежамкорлик масаласида ташаббусни қўлга олиш каби долзарб масалаларни қамраб олган ушбу фикр алмашув иштирокида катта таассурот қолдирди. Учрашув сўнггида таъ-кидланганидек, бугунги ёшлар ол-дида ҳал этилиши зарур бўлган масалалар талайгина. Уларнинг ечими фуқаролик маърифатимиз-га, маданий савиямизга, билим ва кучимизга боғлиқ.

Носиржон ДЕҲҚОНОВ,
«Ўзбекистон овози»
муҳбири.

ЎзХДП:

воқеалар, хабарлар, янгиликлар

Ёш фаоллар иштирокида

Хоразм вилоят партия кенгашининг сиёсий ва фуқаролик маъ-рифати тизимидаги семинарининг навбатдаги машғулот «Ёш-лар — халқимиз, Ватанимиз келажаги, бугунги ва эртанги кун-и-мизнинг ҳал қилувчи кучи» деб номланди. Урганч қурилиш касб-хунар коллежиде бўлиб ўтган тадбирда асосан ЎзХДП ёш фаол-лари иштирок этидилар. Вилоят партия кенгаши раиси Р.Сабуиров «Мамлакатимизда ислоҳотларнинг амалга оширилишида ёшлар-нинг ўрни ва хиссаси», мазкур партия кенгаши раиси ўринбосари А.Юсупов «Мустақил Ўзбекистонда ёшларга оид давлат сиёсати-ни амалга оширишда Ўзбекистон ХДПнинг иштироки», ЎзХДП «Истиқбол» ёшлар қаноти фаоли С.Саидов «Қанотнинг Ёшлар иллидаги устувор вазибалари» тўғрисида маъруза қилдилар.

Сўзга чиққан партия фаоллари мавзу юзасидан фикр-мулоҳаза билдирар экан, Ёшлар йилида партия ташкилотларининг вазифа-лари ҳамда мавжуд муаммоларнинг ечими ҳақида алоҳида тўхтал-дилар. Хива педагогика коллежи директори, халқ депутатлари вилоят Кенгашидаги ЎзХДП депутатлик гуруҳи раҳбари Зарибойи Қўчқоров коллежларда таълим олаётган талабалар учун яратил-ган қўлай шарт-шароитларни таъкидлаб, муҳофазатга муҳтож оила-лар фарзандларига ёрдам кўрсатишни тақомиллаштириш ҳақида ўз мулоҳазаларини билдирди. Шунингдек, сўзга чиққан партия-нинг бошқа фаоллари ва ёшлар вакиллари маънавият соҳасига партия ташкилотлари алоҳида эътибор қаратиши, ёшларимиз қал-биде соғлом ҳаёт тарзига интилишни, миллий ва умуминсоний қадриятларга ҳурмат-эҳтиром туйғуларини тарбиялаш борасида алоҳида фаоллик кўрсатиши лозимлигига эътибор қаратдилар.

Билдирилган тақлиф ва мулоҳазалар халқ депутатлари вилоят Кенгашидаги ЎзХДП депутатлик гуруҳи ва тегишли ташкилот-ларга обориш учун умумлаштирилди.

Тадбир якунида ЎзХДПга янги аъзо бўлган бир гуруҳ ёшларга партия гувоҳномалари топширилди.

Ўзбекистон ХДП МК
матбуот хизмати

Солиқ ва ҳаёт

Янги кодекс тарғиботи

Мамлакатимиз солиқ тизими жадал суръатлар билан тақомиллашиб бормоқда. Айниқса, шу йил 1 январдан кучга кир-ган янги Солиқ кодекси ҳар бир солиқ тўловчи — юридик ва жисмоний шахслар учун янада ишончли ҳуқуқий кафолат бўлди.

Шу муносабат билан пой-тахтимиздаги Ўзэкспомарказда Ўзбекистон Республикасининг янги Солиқ кодекси тарғиби-га бағишланган «Янги солиқ кодекси — иқтисодий тараққи-ёт омил» номли кўргазмали семинар бўлиб ўтмоқда. Тад-бирнинг очилиш маросимида сўзга чиққан давлат Солиқ қўмитаси раиси Ботир Парпи-ев янги кодекснинг аҳамияти ҳақида тўхталар экан, бундан ўн бир йил олдин қабул қилин-ган кодекс 135 моддадан ибор-рат бўлган бўлса, янги кодекс 392 моддани ўз ичига қамраб олганини таъкидлади. Шу вақт-гача солиқ тўғрисидаги қонун ҳужжатларидаги ноаниқлик ва қарама-қаршиликлар унда тўлалигича бартараф этилган. Айрим нормаларда солиқ тўловчиларга қатор энгиллик-лар беради. Янги кодекс бар-ча солиқ тўловчиларга катта имкониятлар яратишга



қолмай, балки кичик бизнес субъектлари ва тадбиркорлар-нинг ҳуқуқ-манфаатларини ҳимоя қилишда муҳим ҳужжат бўлиб хизмат қилади. — Бундай тадбирларнинг ўтказилиши аввало барча солиқ тўловчилар манфаатига хизмат қилиши билан муҳим-дир, — дейди «Нихол таъриба заводи» бош ҳисобчиси

Дилбар Мухаммедова. — Со-лиқ кодексининг афзалликлари, бу тизимни тартибга солу-ви ягона ва тўғридан-тўғри амал қилувчи ҳужжат эканлиги, қолаверса, барча тамойиллар батафсил ёритиб берилгани-ю, солиқлар, бошқа мажбурий тўловларнинг элементлари аниқ ва раво қилиб кўрсатил-ганини айтиб ўтиш ўринлидир.

Мазкур кўргазмали семинар-да иштирокчилар ўзларини қизиқтирган саволларга ҳам атрофлича жавоб олиш им-кониятига эга бўлдилар. **Таштемир ХУДОЙҚУЛОВ,** «Ўзбекистон овози» муҳбири. **Суратда:** кўргазмадан лавҳа. **Сарвар ўРМОНОВ** олган сурат.

Шаҳар янада

обод бўлади

Навоий шаҳрида февраль ободонлаштириш ва озодалик ойлиги деб эълон қилинди

Ободонлаштириш ва озодалик ойлигида фуқаролар-нинг ўзини ўзи бошқариш органлари, уй-жой мулкдор-лари ширкатлари, корхона ва ташкилотлар, таълим му-ассасалари, бутун шаҳар аҳли фаол иштирок этмоқда. — Шаҳримиз ва маҳаллаларимиз, кўча ва хиёбонлари-миз янада кўркам қиёфа касб этиши учун ана шундай ташаббус билан чиқдик, — дейди «Маҳалла» жамғарма-си Навоий шаҳар бўлими раиси Рамазон Раҳмонов. — Ойлик давомида турар жой мавзелари ва маҳаллаларда-ги дарахтларни оқлаш, кўча ва йўлакларни ободонлаш-тириш, чиқиндиларни ташиб чиқариш, кўпқаватли уй-лар ва ҳовлилар атрофи, гузарлар ва хиёбонлар, зей-ратгоҳлар ва қабристонлар, ариқ-зовурлар, канализация кудуқларини тозалаш, болалар майдончаларини тартиб-га келтириш, кекса ва ногиронлар, боқувчисини йўқот-ган ёлғиз кишилар, кам таъминланган оилаларнинг уй-жой шароитини яхшилаш каби хайрли ишлар амалга оширилади. Ўтган ҳафта шаҳар миқёсида хайрия ҳа-шини ўтказдик. Тўшган маблағ маҳаллаларни ободон-лаштиришга сарфланади.

Ёрқул УМАР,
ЎЗА муҳбири

O'zbekiston havo yo'llari
TOSHKENT
XALQARO AEROPORTI
Хизматлар лицензияланган

Мен нега ЎзХДПни танладим?

«Ўз ҳиссамни қўшмоқчиман»

Халқ демократик партияси Амударё туман кенгаши кўпгина ибратли ишларни амалга оширмоқда. Худудий ва бошланғич партия ташкилотлари партия Дастурида баён қилинган мафкуравий йўналишлар, тамойил ва ғояларни амалга ошириш юзасидан аҳоли ўртасида сўхбатлар, савол-жавоблар ўтказмоқда. Туман партия кенгаши раиси ўринбосари Нормул Йўлдошева кишиларнинг Ўзбекистон ХДПга ишончи ортаётганини таъкидлади.

Чунки партия Дастурида кўпчиликнинг кўнгилдаги гаплар акс этган, — деди у. — Айниқса, унда партияга хайрихоҳ бўлган ўқитувчилар, шифокорлар, боқувчисини йўқотган оилалар, ногиронлар, ёрдамга муҳтож оилаларни ҳимоя қилиш каби долзарб масалалар илгари сурилганини кўпчиликка маъқул бўлмоқда. Амалда ҳам улар қўйган талаб ва эҳтиёжларни қўллаб-қувватлашга ҳаракат қилаялмиш. Шунинг учун ҳам партия аъзолари сафи кенгайяпти. Сўхбатдан сўнг биз партияимиз сафига қўшилган янги аъзолар фикри билан қизиқдик.

Мунаввар Жўлдасова, 11-ўрта мактаб ўқитувчиси: — Мен Ўзбекистон Халқ демократик партиясини ва унинг олиб бораётган сиёсатини қўллаб-қувватлайман. Чунки партиянинг

бу жуда маъқул. Шунинг учун партия аъзоси бўлдим. Мухтор АВЕЗОВ, 12-ўрта мактаб ўқитувчиси: — Ўзбекистон ХДПга аъзо бўлишдан олдин партиянинг Дастурини қайта-қайта ўқидим, уни чуқур билиб олишга ҳаракат қилдим. Шундан кейин менда Дастурда белгиланган вазибаларни амалга оширишда иштирок этиш истаги пайдо бўлди. Шундай қилиб, Ўзбекистон ХДПга аъзо бўлдим. Ўқитувчи сифатида бор билимимни ёшларга ўргатиб, уларни Ватанимизга фидойи инсонлар бўлиб етиштиришга ишловчилар манфаатларига устуворлик бериш, уларни ҳар жиҳатдан қўллаб-қувватлаш тарафдори. Шунинг учун мен шу партия сафига киришга қарор қилдим.

Баҳодир ЕРНАЗАРОВ, «Мангит пилла» очик акциядорлик жамияти раиси: — Ўзбекистон Халқ демократик партияси мафкураси, ғояси республикамиз мустақиллигини кўз қорачигидек асраш ва уни мустақамлаш, Ватанимизнинг гуллаб-яшнаши, юртимизда тинчликнинг барқарор бўлиши ва турмуш фаровонлигини таъминлашдан иборат. Мен раҳбарлик қилаётган жамиятда ҳам қўллаб-қувватлаш манфаатларига устуворлик бериш, уларни ҳар жиҳатдан қўллаб-қувватлаш тарафдори. Шунинг учун мен шу партия сафига киришга қарор қилдим.

«Ўзбекистон овози» мухбири Реймбой ЭШИМБЕТОВ ёзиб олди.

Долзарб мавзу

«Монополиядан чиқариш, рақобат ва тадбиркорликни қўллаб-қувватлаш Давлат қўмитаси ҳамда унинг худудий органларида ўтган даврда истеъмолчилардан тушган мурожаат ва аризалар ҳамда коммунал хизмат кўрсатувчи корхоналар томонидан истеъмолчилар ўртасида тузилган шартнома шартлари бажарилиши ҳолатлари бўйича таҳлил ва ўрганиш ишлари ўтказилди. Жумладан, аризаларнинг асосий қисмида коммунал хизмат кўрсатувчи

корхоналар томонидан истеъмолчиларга тўлиқ ва сифатли хизмат кўрсатмаслик, шартнома шартларига ва ўрнатилган меъёрларга риоя этмаслик натижасида кўрсатилмаган хизматлар учун ҳақ олинаётгани маълум қилинган. Коммунал хизмат кўрсатувчи корхоналар томонидан бундай ҳолатларга сурункали равишда йўл қўйилмоқда. Натижада истеъмолчилардан тушаётган шикоят ва аризалар сони ошиб бормоқда...»

ва унинг худудий бошқармалари ана шу шикоят ва аризаларни кўриб чиқиш давомида рўй берган қонунбузарлик ҳолатларини бартараф этиш юзасидан тегишли ташкилотлар, корхоналарга қонуний-ҳуқуқий кўрсатмалар берди. Яъни, кўрсатилмаган ва сифатсиз хизматлар учун 2005 йилда 117,0 миллион сўм, 2007 йилда эса 131,1 миллион сўмлик ҳисобланган пул маблағлари истеъмолчилар фойдасига қайта ҳисоб-китоб қилиб берилди.

Коммунал хўжалиги: Бугунги кун ҳолати ва мавжуд

Олти-етти кун муқаддам Қўмита раиси ўринбосари А.Абдурахимов имзо-си билан олинган маъмур маълумотномада таъкидланган камчиликларга барҳам бериш, коммунал хизмат кўрсатувчи корхоналар билан истеъмолчилар ўртасидаги келишмовчилик ва юзага келаётган муаммоларга ечим топиш мақсадида «Коммунал хўжалигини бугунги кундаги ҳолати ва мавжуд муаммолар» мавзуйига бағишланган семинар-йиғилиш бўлиб ўтди. Унда «Ўзкоммуналхўжалик» агентлиги, Ўзбекистон Истеъмолчилар ҳуқуқларини ҳимоя қилиш жамиятлари Федерацияси, «Тошсисқувват» ишлаб чиқариш бошқармаси, «Сувсос» давлат унитар корхонаси, «Ўзбекэнерго» Давлат акциядорлик компанияси ҳамда Тошкент шаҳар ХУЖМШ — хусусий уй-ҳой мулкдорлари шир-

катлари уюшмаси мутасаддилари, ХУЖМШ раислари, шунингдек, оммавий-ахборот воситалари вакиллари иштирок этдилар. Қўмита ва унинг худудий бошқармалари томонидан, — деди ўз сўзида қўмита раиси ўринбосари Абдурахимович, — истеъмолчиларга кўрсатилаётган коммунал хизматларида мавжуд қонунбузарлик ҳолатларининг олдини олиш ва бартараф этиш юзасидан қатор чора-тадбирлар амалга оширилиши, 2005, 2006 ва 2007 йиллар мобайнида ширкатлар ва коммунал хизмат корхоналари томонидан кўрсатилаётган хизматлар даражаси ҳамда сифатининг истеъмолчилардан тушган ариза ва мурожаатлар мутасадди ташкилотлар билан ҳамкорликда изчил кўриб чиқилмоқда. Таҳлиллар шуни кўрсатмоқдаки, шикоят ҳамда аризаларнинг аксарияти коммунал хизмат соҳаларига тегишли. Масалан, 2005 йил давомида истеъмолчилардан тушган аризаларнинг 1023 тасидан 709 таси — 51 фоизи, 2006 йилда 1146 тадан 615 таси — 54 фоизи, 2007 йилда эса 941 тадан 407 таси — 43 фоизи ана шу тоифага қиради. Ҳисобот даврида қўмита

ЎзХДП: воқеалар, хабарлар, янгиликлар

Ёшлар йили вазибалари Ўзбекистон ХДП Сирдарё вилоят кенгаши «Фаол аёллар» ва «Истикбол» ёшлар қанотлари ташаббуси билан ўтказилган давра сўхбати Ёшлар йилида давлат, нодавлат ташкилотлари, кенг жамоатчилик олдига турган вазибаларга бағишланди. Тадбирда ЎзХДП Сирдарё вилоят кенгаши раисининг ўринбосари, Олий Мажлис сенатори Ҳаётхон Ортиқбоевнинг «Ёшлар ва бугунги сиёсат», фуқаролик жамиятини ўрганиш институти вилоят филиали раҳбари, тарих фанлари номзоди Солихон Қудратовнинг «Ёшларнинг сиёсий маданиятини шакллантириш ва уларни ватанпарварлик руҳида тарбиялашда нодавлат, нотижорат ташкилотларининг ўрни», Гулистон давлат университети доценти Ўғиллой Эрбутовавнинг «Илмли ёшлар — келажагимиз», вилоят Меҳнат ва аҳолини ижтимоий муҳофаза қилиш бош бошқармаси маъсул ходими М.Муҳаммадиевнинг «Ёшларни ижтимоий муҳофаза қилиш, иш билан таъминлаш ҳамда касаначиликни ривожлантириш бўйича вилоятда амалга оширилаётган ишлар тўғрисида», «Истикбол» ёшлар қаноти раиси Шерзод Бобононовнинг «ЎзХДП фаолиятида ёшлар сиёсати» мавзусидаги маърузалари юзасидан қизгин фикр алмашувлар бўлиб ўтди. Бу борада ҳамкорликда амалга оширилаётган ишлар режаси тузиб олинди.

Соғлом она соғлом авлод демакдир Ўзбекистон ХДП Сирдарё вилоят ва Сардоба туман кенгашлари томонидан ўтказил-



Цех ишга тушди

Яккабўғ туманидаги «Чўмич» маҳалласида сутни қайта ишлайдиган цех ишга туширилди. Сақкиз кишидан иборат жамоа айни вақтда пишлоқ, сариёғ ва бошқа сут маҳсулотлари ишлаб чиқармоқда. Ота-бола Саъдулла ва Акрим Санаевлар ташаббуси билан фаолият юритаётган бу цехда суткасига икки тоннагача сут қайта ишланмоқ-

Бу ҳақда Вазирлар Маҳкамаси мажлисида айtilган эди

(Давоми. Боши 1-бетда)

Маълумотларга қараганда, ўтган ўқув йилида ушбу маскани 6 йўналиш бўйича 325 нафар ёш битириб чиққан. Шундан 37 нафари олий ўқув юртларига ўқишга кирган, 46 нафари бошқа жойларга кўчиб кетган, 9 нафари ҳарбийда, 26 нафари турли ишларда, 10 нафари ишсиз, 197 нафари эса мутахассисликлари бўйича ишламоқда. — Автотранспорт воситаларига техник хизмат кўрсатиш ва таъмирлаш йўналиши бўйича битирганман, — дейди Мурат Абдураҳимов. — Мутахассислигим бўйича ишга жойлашим қийин бўлди. Ҳозир вақтинча киракашлик қилаяпман.

— Коллежга ўқишга кириб хато қилмаган эканман, — дейди Жодраҳон Сыкова. — Ҳозир шу ернинг ўзида ушбу бўлиб ишлаяпман. Тўғри, молия йўналишида ўқиганман, лекин мутахассислигим бўйича иш йўлиги боис бу соҳада иш бошладим. — Қизим тикувчилик ишлаб чиқариши йўналиши бўйича ўқиди, — дейди Улдон Нуруллаевнинг онаси. — Аммо битирганидан сўнг ишга жойлашми қийин бўлапти. Мутахассислиги бўйича иш сўраб анча овора бўлдим. Билмадим бу мутахассисликка эҳтиёж камроқ экан... Шундай қилиб, кейинги уч йилда мазкур коллежни битириб чиққан 628 нафар йигит-қизнинг фақат 419 нафаригина ўз мутахассислиги бўйича ишга жойлашган, 49 нафари турли ишларда банд, 69 нафари олий ўқув юртларида ўқишни давом эттиряпти. Афсуски, битирувчиларнинг жами 40 нафарига вақтинча ишсизлик мақоми беририлган. Уларнинг кўпчилигини тикувчилик ишлаб чиқариши ва бухгалтерия ҳисоби йўналишларида ўқиган ёшлар ташкил этарди. Бу ҳол ушбу ихтисосликлар бўйича тайёрланган хўдаларга нисбатан ҳудудда эҳтиёж камлигини билдиради. — Тўғри, коллежимизда айрим ихтисослик ва йўна-

лишлар бўйича таҳлил ўтказиб, уларни кейинчалик давом эттиришни ўйлаб кўриш керак, — дейди касбий таълим бўйича директор ўринбосари Нурулла Дўйсенов. — Чунки туманимизда ҳаммаси бўлиб 60 га яқин корхона ва ташкилот, 600 дан зиёд фермер хўжаликлари бор. Бундай шароитда ҳар йили биргина бизнинг коллежни бугунгалтерия ҳисоби, автотран-

Коллеж битирувчиси

у бугун нималар билан банд? Ҳаётда ўзига, касбига муносиб ўрин топа олаяптими?



спорт воситаларига техник хизмат кўрсатиш ва таъмирлаш йўналиши бўйича 45-50 нафар, тикувчилик ишлаб чиқариши ихтисослиги бўйича 35-40 нафар мутахассис тайёрланса, улар эртага иш сўраб қаерга боради? Тумандаги бошқа бир таълим даргоҳи — Мирзачўл қишлоқ хўжалик коллежид ҳам аҳвол шу. Охири уч йил мобайнида ўқув муассасасини битириб чиққан 240 нафар ёш мутахассиснинг 18 нафари ишсиз қолган, 66 нафари эса ихтисослиги бўйича ишга жойлаша олмасдан дуч келган жойда фаолият юритаётган экан. Бу гап коллежни ҳисоблаш машиналари мажмуалари тизимлари ва тармоқлари ихтисослиги бўйича тамомлаб чиқайтган ёшларга кўпроқ тааллуқли эканини таҳлиллардан билиб олиш қийин эмас. Яна бир гап. Коллежни уч йил мобайнида битириб чиққан йигит-

ёшларни иш билан таъминлаш долзарб бўлиб турибди, — дейди туман бандликка қўмақлашиш маркази директори вазибасини бажарувчи Фозил Абдураҳимов. — Биз масалани муаммо даражасига етказмаслик мақсадида ўтган йилнинг ўзида туманда уч марта бўш иш ўринлари ярмаркасини ўтказдик. Уларда жами 174 нафар йигит-қиз иштирок этди ва шулардан 150 нафарга яқини ишга жойлашди. Айни кунларда эса яна бир масала — қишлоқ фуқаролар йиғинлари қошида фермерларга хизмат кўрсатиш марказларини ташкил этиш ҳақида ўйлаялмиш. Бу ечимини топса, жойларда фермерларга хизмат кўрсатиш ҳақида ўйлаялмиш. Бу ечимини топса, жойларда фермерларга хизмат кўрсатиш ҳақида ўйлаялмиш. Бу ечимини топса, жойларда фермерларга хизмат кўрсатиш ҳақида ўйлаялмиш.

япти? Улар яратилган шароит, имкониятларни тўла англаб етаяптими? — Коллежимиз замонавий моддий-техник ва ўқув базасига эга, — дейди Мирзачўл агроиқтисодиёт касб-хўнара коллежи ҳуқуқшунослик йўналиши битирувчиси Раъно Маматмуродова. — Спорт зали, ётоқхона, устaxon, ошхона, ахборот-ресурс марказимиз ва бошқа шароитлар яратилган. Биздан талаб этиладигани — фақат яхши ўқиш, билим олиш, хўнара ўрганиш. Мутахассислигимиз бўйича ишга жойлашиш масаласига келсак, энди бу кўпроқ ҳар қайси йилда ўзимизга боғлиқ. Агар аъло ўқисак, олий ўқув юртига киришимиз осон кечади, касбимизни, хўнараимизни пухта эгалласак, ишга жойлашишда ҳам муаммо бўлмайди. Масалан, ўзим коллеждан сўнг фермерларга хуқуқий маслаҳатчи бўлиб

ишга киришни режалаштирганман. Энди бир мушоҳада қилиб кўрайлик. Уч йил ичида битта коллежнинг 40 нафар битирувчиси ишга жойлашолмади, дедик. Дангал айланганда, 628 нафар битирувчига нисбат берадиган бўлса, бу кўрсаткич ўнчалик ташвишли ҳолат эмасдай. Аслида эса коллежни не-не орзуумидлар билан битириб чиққан биттагина йигит ёки қизнинг ҳам ишсиз қолиши, бекор юришига бефарқ қараб бўлмайди. Бундайлар вилоят ёки республика бўйича қанчани ташкил этади? Таҳлиллар шуни кўрсатдики, бу кўрсаткич вилоят миқёсида 1800-1900 нафарга бориб етади. Ёки шу уч йилда фақатгина коллежлар битирувчиларидан 50-55 нафари эгалланган мутахассисликларидан бошқа йўналишлар бўйича ишга кирган экан, вилоят бўйича бу рақам 2300-2400 нафардан ҳам кўпроқни ташкил қилиши ойдинлашади. Демак, ҳар йили касб-хўнара коллежларини битириб чиқайтган юзлаб йигит-қизлар эгалланган ихтисосликларига мос келадиган иш тополмасдан овора бўлмаяпти. Шундай экан, нега энди коллежларда ҳар йили бир хил йўналишлар бўйича мутахассислар тайёрлаш услубидан воз кечилмаяпти? Қолаверса, бугун қишлоқ жойларимизда темирчилик, касбчилик, дурадгорлик, кулчилик, тунуқасозлик, заргарлик, ганчкорлик, йимкорлик, сартарошлик сингари касб-хўнарага эҳтиёж катта эмасми? Бинобарин, туманлардаги касб-хўнара коллежларида бундай йўналишлар бўйича ҳам мутахассислар, хўнараманлар тайёрлашнинг мавриди келмадимикан? Булар тўғрисида ўйлаб, мулоҳаза қилиб кўришга, амалий ишларга қўл уришга ота-оналар ҳам, устоз-мураббийлар ҳам, мутасадди-мутахассислар ҳам бефарқ муносибатда бўлмайдилар, деган умиддамиз. Зеро, бу ерда гап фақат коллеж битирувчилари ҳақида эмас, балки эртанги кунимиз эгалари, бизнинг уйдимиз, ишончимиз, келажагимиз ҳақида кетаяпти. Иброҳим ЖОНУЗОҚОВ, «Ўзбекистон овози» мухбири.

— Кўмитанинг ҳудудий бошқармаларига келиб тушаётган ариза ва мурожаатларнинг аксарияти, — деди Кўмита бошқарма бошлигининг ўринбосари Дилшод Азимов, — коммунал соҳада, хусусан, иссиқлик манбаларини етказиб бериш, коммунал хизматлар кўрсатувчи корхоналар томонидан шартнома шартларига риоя этмаслик ҳолатлари билан боғлиқ. Булар ўз навбатида кўпгина сифатсиз хизмат кўринишларида, кўрсатилмаган (ёхуд сифатсиз) хизматлар учун ҳақ олишда, тарифларнинг асоссиз равишда оширишда намоён бўлмоқда. Шунингдек,

ларнинг 25,6 фоизи уйлар томининг қониқарсиз таъмирига, 20,8 фоизи ичимлик сув таъминотида, 20,4 фоизи ертўлалардаги сув қувурлари носозлигига, 18,6 фоизи жойларда «Иссиқлик энергияси» корхоналаридан узатилаётган иссиқлик манбаи ва 14,4 фоизи электр энергиясидаги узиллишларга тегишли бўлиб чиқди...
— Уй-жой коммунал хизматлар соҳасини ислоҳ қилиш — яна бир ўта муҳим масалани — коммунал хизматлар, пудрат ва таъмир ишлари бозорларини шакллантириш муаммоси ечимини ҳам талаб қилмоқда, — деди сўзга чиққан Тошкент

садди раҳбар ҳамда мутахассислар масъулиятини оширишни ҳам тақозо қилмоқда... Зеро, мамлакатимиз Президенти Ислам Каримов Вазирлар Маҳкамаси Мажлисида сўзлаган маърузасида республикамиз ҳукумати томонидан уй-жой коммунал хўжалигидаги ислохотларни чуқурлаштиришга катта эътибор бериш лозимлигини алоҳида таъкидлаб ўтганлигининг боиси ҳам шунда...
Семинар йиғилишида сўзга чиққан «Ўзкоммунхизмат» агентлиги вакили Қурбон Магомедов, «Ўзбекэнерго» Давлат акциядорлик компанияси муҳандиси Тошмурад Рўзиев, «Тошсиссқуват» ишлаб чиқариш бошқармаси бош муҳандиси ўринбосари Анвар Каримов ва бошқалар ҳам коммунал хизмат кўрсатувчи корхоналар томонидан истеъмолчиларга кўрсатилаётган хизматларда юзага келаётган муаммо ҳамда йўл қўйилаётган қонунбузарликларни, шунингдек, камчиликларни бартараф этиш юзасидан ўз фикр-мулоҳазаларини билдирдилар. Улар оммавий ахборот воситалари вакилларининг кўпдан-кўп саволларига жавоб бераётган эканлар, айни пайтда коммунал хўжалик субъектларида ўз фаолиятларида норматив-ҳуқуқий базаларни такомиллаштириш йўлида олиб бораётган ишларни янада жадаллаштириш юзасидан аниқ-амалий тавсиялар бердилар.

Муаммолар

белгиланган даражада иссиқлик етказиб бермаслик, ширкатларнинг истеъмолчиларга қониқарсиз хизмат кўрсатиши, уйлардаги коммуникация тизимларининг таъмирланмаслиги ҳоллари ҳам тез-тез кузатилаётган. Оқибатда, истеъмолчилар ҳуқуқлари сурункали равишда бузилаётгани ҳақида шикоятлар, мурожаатлар келиб тушмоқда.

Жумладан, кўмита ва унинг ҳудудий бошқармалари ўтказган таҳлилий ўрганишлар натижаларидан маълум бўлдики, кўрсатилаётган хизматлар сифати 130 та ХУЖМШ ва коммунал корхоналарда ариза ҳамда шикоят-

шаҳар ХУЖМШ уюшмаси вакили Искандар Холмирзаев. — Агар бозорда рақобат юзага келиб, ҳар бир ширкат бир неча пудратчи орасидан энг маъбулини танлаш ва у билан биргаликда таъмирлаш ҳамда ободонлаштириш ишларини бажариш юзасидан шартнома тузиш имкониятига эга бўлмас экан, соҳадаги мавжуд аҳволни ўнглаш қийин... Бу муаммо ечимда — хусусий уй-жой мулкдорлари ширкатлари давлат ташкилотлари, маҳаллий ҳокимият, молия ва банк тизимларининг амалий ёрдамига муҳтож бўлиб турибди. Айни чоғда, мазкур муаммо мута-

Номоз САЪДУЛЛАЕВ,
«Ўзбекистон овози»
махсус мухбири.

Мулкчилик шаклидан қатъи назар, барча қурилиш ташкилотлари ва корхоналари раҳбарлари диққатига!

Қашқадарё вилояти ҳокимлиги Ягона буюртмачи инжиниринг компанияси

2008 йилда қурилиши мўлжалланган иншоотга пудратчи ташкилотни танлаш бўйича такрорий танлов савдосини эълон қилади:

Чироқчи тумани, Чоштепа маҳалласини ичимлик суви билан таъминлаш учун артезиан қудуғи ва сув қувури қурилиши.
Бошланғич нархи (ҚҚС билан) — 59.425.300 сўм.
Қурилиш муддати — 30 кун.
Буюртмачи — Қашқадарё вилоят ҳокимлиги Ягона буюртмачи инжиниринг компанияси.
Манзили — Қашқадарё вилояти, Қарши шаҳри, «Ўзбекистон овози» газетаси кўчаси, 3-уй.
Телефон: (8-375) 227-16-56, 227-19-82.
Қурилиш ишларини молиялаштириш — Давлат бюджети маблағлари ҳисобидан амалга оширилади.

Танлов савдоларида қатнашиш учун талабгорлар куйидаги шартларга:

- ◆ етарли касбий ва техникавий малакага;
 - ◆ иншоот қўйматиининг камида 20 фоз миқдорда айланма маблағига (захирадаги қурилиш материаллари билан бирга) ёки ушбу маблағларни тақдим қилишга банк кафолатномаси мавжудлиги;
 - ◆ молиявий имкониятлар ва етарли ишчи кучи ресурсларига;
 - ◆ шартнома (контракт) тузишга лаёқатли;
 - ◆ юридик ҳуқуққа эга, шунингдек, ўқшаш иншоотларни қуриш бўйича тажрибаси борлиги ва ишончли бўлишлари шарт.
- Савдода иштирок этиш ва танлов ҳужжатларини сотиб олиш учун сўровнома билан савдо ташкилотчиси:**
Қарши шаҳри, Хонобод шоссе-

си, 5-уйда жойлашган капитал қурилишда танлов савдолари ва нархларни шакллантириш Қашқадарё вилоят ҳудудий консалтинг марказига мурожаат қилиш мумкин.
Тел/факс: (8-375) 223-10-63, 223-19-14.

Оферталар савдо ташкилотчиси томонидан юқорида кўрсатилган манзилда қабул қилинади:
Бир тўплам тендер ҳужжатларининг нархи — 60000 сўм.
Тендер ҳужжатларини эълон чоп этилгандан сўнг 25 кунгача сотиб олиш мумкин.
Таклифлар (оферталар)ни савдо ташкилотчиси тақдим этишнинг охириги муддати — оферталар очилиш кунини ва соати.
Тендер савдолари матбуотда эълон чоп этилгандан бошлаб 30 кундан кейин «Буюртмачи» биносида ўтказилади.



Сайловда етакчилик қилмоқда

Арманистон сайлов комиссияси хабарига қара, мамлакат президентлигига ўтказилган сайловнинг 32,4 фоз бюллетени санаб бўлинган, амалдаги бош вазир ва Республика партияси раҳбари Серж Саркисян 57,5 фоз овоз олгани маълум бўлди.



Новости-Армения агентлигининг хабар беришича, сайловнинг илк натижалари бош вазир 76,6 фоз овоз олганини кўрсатган бўлса, овозларни санаб мобайнида Саркисяннинг бошқа номзодлардан фарқи камайиб бормоқда.
Эслатиб ўтамиз, сайловнинг биринчи bosқичидан ўтиш учун номзод 50 фоздан кўп овоз олиши даркор. Собиқ президент Левон Терпедросян 17,8 фоз овоз билан иккинчи ўринни эгаллаб турибди. Комиссиянинг сўнгги маълумотида қараганда, сайловчиларнинг 69 фозидан ортиқроғи овоз беришда иштирок этган.


Украина НАТОга аъзо бўладими?

Украинанинг НАТОга аъзо бўлиш масаласи референдум ўтказилгач ҳал бўлиши мумкин, деди мамлакат бош вазирини Юлия Тимошенко «Ведомости» газетасига берган интервьюсида.
«Мен учун ҳавфсизлик, мамлакатнинг ҳудудий яхлитлиги ва халқимнинг тараққий этиши энг муҳим масаладир. Қолганлари иккинчи даражали. Украина умумхалқ референдумидан сўнг НАТОга аъзо бўлиш бўлмаслигини ҳал қилади»,

— деди Тимошенко. Шунингдек, у Украина НАТО билан ҳамкорлик қилиб келаётганини ҳам таъкидлаб ўтди.
Эслатиб ўтамиз, йил бошида ҳукумат НАТО бош қотибига ташкилотга аъзо бўлиш ҳақида мурожаат хатини юборганди. Украинанинг НАТОга аъзо бўлишига қарши ҳудудлардаги муҳолифат партиялар ва компартия нозирлик сифатида парламент ишига ўтқинлик қилиб, бу масала бўйича сайлов ўтказишни талаб қилмоқда.

Тўққиз давлат тан олди

Косово мустақиллигини тўққиз мамлакат тан олди, деб хабар қилади Бета агентлиги. Яқин орада яна ўн икки давлат (Германия, Австрия, Бельгия, Италия, Дания, Финляндия, Швеция, Болгария, Венгрия, Польша, Коста-Рика, Япония) Косово дахлсизлигини тан олишга тайёр эканини маълум қилган.
Эслатиб ўтамиз, сешанба кунини Косово мустақиллигини Австралия, Сенегал ва БМТ га аъзо бўлмаган Тайван ҳукумати тан олганди. АҚШ, Франция, Буюк Британия, Туркия, Албания ва Афғонистон ҳам Косовонинг ушбу қарорига хайрихоҳлик билдирган. Ўтган яшанбада Косово парламенти Сербия таркибидан чиқиб, мустақил давлатга айланиши ҳақида декларация қабул қилганди.



Истеъфога чиқди

Бразилия президенти Луис Инасио Куба президенти Фидел Кастро истеъфога чиққанидан сўнг ҳокимият тинчлик йўли билан топширилиши тарафдори эканини айтди, деб хабар беради РИА Новости.




Эслатиб ўтамиз, 1959 йилдан бери Куба президенти бўлган Кастро соғлиги ёмон-

лашгани сабаб 2006 йил ваколатини вақтинчалик укасига топширганди.

Мультифильм тақиқланади

Хитой ҳукумати телевидение орқали хоржик мультифильмларини намойиш этишни тақиқлади, деб хабар беради Lenta.ru.
Давлат бошқармаси радио хизмати, кинематография ва телевидениега берган кўрсатмага биноан 1 майдан бошлаб 17:00 дан 21:00 гача хар кунини хоржик мультифильмларини намойиш этиш тақиқланади. Хитой ва хоржик мультипликацияларининг ҳамкорлиқда яратган мультифильмларини намойиш этиш учун эса бошқармадан тегишли рұхсат олиш зарур. Давлат шу йўл билан миллий мультипликацион санъатини ривожлантиришни кўзлаптапти. Ўтган ҳафтада эса Хитойда «дахшатили мультифильмлар» савдоси ман этилган. Ҳукумат вакиллари бу чора-тадбир «болалар ва ўсмирларнинг руҳий ўсшишни ҳимоялаш» мақсадида қилинаётганини таъкидлади.



Чикинди газ ақлга зарар

Транспорт серкатнов бўлган шаҳарда истиқомат қиладиган болаларнинг интеллектуал қобилияти ва хотираси тоза ҳаводан нафас оладиган тенгдошлариникига нисбатан паст бўлар экан. Гарвард университети олимаси Шакира Франконинг айтишича, чикинди газнинг болага салбий таъсири ҳомилдорлик вақтида онанинг кунига ўн донна сигарет чекиши билан баробар. Шу вақтгача чикинди газларнинг

юрак қон томир тизими ва юракнинг ўзига таъсири ўрганилган. Тажрибада Бостон шаҳрида яшовчи 8-11 ёшга бўлган 202 нафар бола текширилган. Олимларнинг аниқлашича, чикинди газлар туфайли ақлий қобилият коэффициенти ўртача 3,4 фозга камайдди. Ҳавоси ифлосланган шаҳарда яшовчи болаларнинг хотираси, сўз бойлиги, ҳозир ҳавоблик қобилияти ва тафаккури ҳам атроф-муҳитнинг салбий оқибатидан заифлашади.

ЎЗБЕКИСТОН РЕСПУБЛИКАСИ ТАШҚИ ИҚТИСОДИЙ ФАОЛИЯТ МИЛЛИЙ БАНКИ

«Ўзмиллийбанк» балансида турган мулкий мажмуани сотиш мақсадида потенциал инвесторларни саралаб олиш бўйича

ТАНЛОВ ЭЪЛОН ҚИЛАДИ:

- 1. Мулкий мажмуа куйидагилардан иборат:**
 - сув қувурлари учун аралаштиргич жўмраклар, оқизиш кранлари ва уларга эҳтиёт қисмлар ишлаб чиқарувчи ускуналар (ишлаб чиқариш қуввати — йилга 750,0 минг донна);
 - майдони 4,6 га бўлган ер участкасида жойлашган, умумий майдони 12 500 квадрат метрли ишлаб чиқариш, омбор бинолари ва маъмурий бинолар ва иншоотлар.
- 2. Мулкий мажмуа куйидаги манзилда жойлашган:**
Ўзбекистон Республикаси, Тошкент ш., Бектемир тумани, Ж.Останов кўчаси, 45-уй.
Мўлжал — «Coca-cola ichimligi Uzbekiston Ltd» MChJ заводи рўпараси.
- 3. Танлов ҳужжатларини, шунингдек, танловни ўтказиш тартиби ва процедураси бўйича қўшимча ахборотни**
хар кунини соат 9.00дан 18.00гача (шанба ва яшанба кунларидан ташқари) «Ўзмиллийбанк» Кредит хатарлари бош бошқармасида танлов таклифларини қабул қилиш муддати тугагунига қадар олиш мумкин.
- 4. «Ўзмиллийбанк» Танлов таклифларини қабул қилишнинг охириги муддати — 2008 йил 19 март, Тошкент вақти билан соат 18.00гача.**
Танлов ҳужжатлари ва қўшимча маълумотларни олиш учун куйидаги манзил бўйича мурожаат қилинсин:
Тошкент ш., Амир Темура кўчаси, 101-уй.
Ўзбекистон Республикаси Ташқи иқтисодий фаолият миллий банкининг Кредит хатарлари бош бошқармаси.
Тел.: 234-42-69, 234-11-17.
Факс: 235-57-04

Вниманию организаций и предприятий!

Акционерная компания «Узкурулишматериаллари»

ОБЪЯВЛЯЕТ КОНКУРСНЫЙ ТОРГ (ТЕНДЕР) на поставку запасных частей к цементному оборудованию для ОАО «Кызылкумцемент»

ЛОТ	Заказчик
ЛОТ 1. Колосник рядовой 1953.02.024 холодильника «Волга-150» в количестве 1500 шт.	ОАО «Кызылкумцемент»
ЛОТ 2. Колосник рядовой 2005.41.001.0.0 холодильника «СМЦ-33» в количестве 300 шт.	
ЛОТ 3. Огнеупорные магнезиальные кирпичи в количестве 1200 тн.	

Предприятия и организации, выступающие в качестве поставщиков должны соответствовать следующим требованиям: иметь необходимые профессиональные и технические квалификационные данные, обладать финансовыми средствами и другими материальными возмож-

ностями, надежностью, опытом и репутацией, обладать гражданской правоспособностью и правомочиями на заключение договора (контракта). Поставляемые материалы должны соответствовать мировым аналогам. Для участия в торгах и приобретения тендерной документации необходимо обратиться с запросом к организатору торга — Акционерной компании «Узкурулишматериаллари».

Платежные реквизиты:
АК «Узкурулишматериаллари»
Адрес: г. Ташкент, Миракилова, 68 а
Расчетный счет: 20210000200127064001
SWIFT BIC: UJSIUZ22, UZPROMSTROYBANK
TASHKENT, UZBEKISTAN
СНІPS UID:353886 TELEX: 116342 TRONUZ
Валютный счет: 20210840500127064002
МФО 00424 город Ташкент
Идентификационный номер 200625030

Конкурсные предложения должны быть доставлены организатору торгов по адресу: г. Ташкент, ул. Миракилова, 68 а.
АК «Узкурулишматериаллари»
тел.: 254-48-39, 254-97-29
факс: 255-77-07.

Крайний срок представления оферт организатору торгов к дню и часу вскрытия оферт.
Вскрытие оферт состоится через 30 дней после опубликования объявления.